



23. august 2013

Inatsisartut Suleriaasianni § 37 naapertorlugu matumuuna Naalakkersuisunut imatut apeqquaqateqarpunga:

**Naalakkersuisunut apeqquutit:**

- 1 Naalakkersuisut Polaroil isumaqatigivaat, suliffeqarfiup qularnaveeqqusiinermut politikkaa qularnaveeqqutinillu tunisat pisiillu nalunaarsorsimaffik ima pingaaruteqartigisut mianernartigisullu allaat saqqummiunneqartussaantik.**
- 2 Polaroilip paasissutissanik taakkuninnga uninngatitsiinnarsinnaappat – taava suliffeqarfiup qularnaveeqqutinik niueruteqarnerata inuiaqatigiinnut toqqissisimanartumik ingerlanneqarnissaa Naalakkersuisut qanoq ilillutik qulakkeerniarpaat.**
- 3 (Juunip qulingani 2013-imeersup uteqqinnera) Ulloq 1. juli 2012 aallarnerfigalugu qularnaveeqqutit suut (uuliap akuiangaanngitsaq, uuliamik akuiaavinni akit tunngavii aamma aningaasat) KNI-p pigisimavai aamma suut qularnaveeqqutit KNI-p ullumerpiaq pigai. Qularnaveeqqutit suuppat pisinerup nalaani aamma tunisinerup nalaani?
  - a. tunisinerup nalaani qularnaveeqqutit eqqarsaatigalugit; taakku qanoq KNI A/S-m bogfØrerneqarpat aamma tunisisoqassappat, tunisinermi iluanaarutaasussaq atuisunut iluaqusiissava?****

Inatsisartunut ilaasortaq Palle Christiansen, Demokraatit

**Tunngavilersuut:**

§ 27 naapertorlugu juunip qulingani 2013-imi apeqquaqaatinnut akissummi tigusanni – juunip 26-iani 2013-imi akineqartumi atuarneqarsinnaavoq Polaroilip unammilleqatigiinnermik peqquteqartumik uuliamut aningaasanullu qularnaveeqqutinik ataasiakkaanik pisiani tunisanilu pillugit paasissutissanik saqqummiusserusunngitsaq.

Polaroilip 2010 / 2011 2012-imilu qularnaveeqquteqarsimanerata inuiaqatigiinnut atuisunullu katillugit 153 mio. kr.-inik iluanaaruteqarfiusimanagera nuannaarutissaavoq, tamannalumi Polaroilip aningaasanut uuliamullu qularnaveeqqutinimik pitsaasumik ingerlataqarsimaneranut soorunami takussutissaalluni.

Polaroililli nunatsinni niuerfimmi unammillerteqanngitsup - unammilleqatigiinnermik peqquteqartumik Inatsisartunut innuttaasunullu paasissutissanik tunniussiumannginnera eqqumiigivara.

Suliffeqarfittut pisortanit 100%-imik pigineqartutut Polaroilip (KNI A/S) pisussaaffigilluinnaraluarpa suliffeqarfiup ingerlanneqarnera pillugu inuiaqatigiit innuttaasullu paasitissallugit, allanik unammillerteqarneq apeqquataatinngitsoq.

Juunip 26-iani 2013-imi akissutigineqartoq tunngavigalugu apeqquutit marluk kiisalu apeqquut ataaseq juunip 26-iani 2013-imi imarisaanut tunngatillugu akissuteqarfigineqanngitsaq, matumuuna nassiunneqarput.